



## CIRCULAR COMEDOR ESCOLAR CURSO 2020-21

A Consellería ven de publicar a Instrucción 2/2020 da Secretaría Xeral Técnica, do 16 de xuño, sobre funcionamento dos comedores escolares de Xestión Directa no curso escolar 2020-21. As novidades respecto as normas anteriores así como os aspectos máis salientables son os seguintes:

### **CLAUSULA ADICIONAL DE SALVAGARDA**

A Consellería comunica a través da presente cláusula que pola situación xeral producida coa **pandemia global do COVID-19** pode supoñer a imposición das medidas de protección e seguridade impulsadas pola Administración Sanitaria, que determinen a aprobación pola Consellería dun Protocolo específico de protección e seguridade na apertura xeral dos centros de ensino. Polo que a presente Instrucción pode resultar condicionada polas medidas que, en materia de comedores de xestión directa, estableza o Protocolo.

### **Colaboradores de Comedor.**

As funcións de colaboradores, en caso de non existir membros docentes que as desempeñen, poderán ser realizadas por nais e pais, mais estas persoas non poderán desempeñar as funcións de colaboradores durante dous cursos escolares consecutivos, co que non poderán asumir tales funcións as persoas que as realizasen durante un mínimo de 36 días no curso escolar 2019-20 (agás que non existiran suficientes voluntarios). O procedemento de selección estará aberto do 22 de xuño ata o 10 de setembro do 2020 e terá un carácter altruísta e voluntario, e unicamente recibirán unha axuda polos gastos de dedicación e desprazamentos xerados na colaboración por un importe de 9,39 € por día de asistencia efectiva. Os importes resultantes aboaranse en tres pagamentos ao remate de cada trimestre coa retención fiscal que corresponda. En atención á Lei 26/2015, do 28 de xullo, as persoas seleccionadas deberán acreditar non ter sido condenados en sentenza firme por delitos sexuais.

### **Número de prazas autorizadas pola Consellería.**

O número de prazas autorizadas pola Consellería é de 339, impedindo calquera ampliación desa número, e incluídas aquí as prazas de cobertura obrigatoria (dirección, encargado, persoal de cociña, persoal colaborador). As prazas para o alumnado, descontadas as do persoal, quedan en 323. É obrigado **que todo o alumnado interesado** no uso do servizo, **fora xa comensal ou non, faga a súa reserva** a través da web do centro, no formulario que temos para ese trámite.

### **Selección e admisión de usuarios.**

Durante os meses de **xuño e xullo do ano en curso** os centros reunirán e ordenarán as solicitudes de comedor correspondentes ao alumnado escolarizado no curso 2020-21, de xeito que, de existir máis solicitudes que prazas autorizadas no comedor escolar, o Consello Escolar revisará e rebaremará a totalidade das ditas solicitudes, avaliándoas como novas, de acordo **coa seguinte orde de preferencia:**

1. **Alumnado usuario** do servizo de **comedor no curso escolar anterior.**
2. **Alumnado usuario lexítimo do servizo do transporte escolar**, nos termos establecidos na Instrucción 3/2018 da Secretaría Xeral Técnica, sobre a xestión do servizo de transporte escolar no curso escolar 2020-21.

3. Alumnado pertencente a unidades familiares que se **atopen en situación socioeconómica de exclusión social** ou que teña **unha discapacidade igual ou superior ao 33%**, certificadas polos servizos sociais ou municipais correspondentes.

4. **Alumnado membro de familias numerosas**, acreditado co correspondente título.

5. Alumnado **fillo de pais e nais traballadores con incompatibilidade acreditada documentalmente dos seus horarios laborais** co horario de saída do seu fillo/a ao mediodía.

6. **Outro alumnado do centro**. Neste suposto atópanse os escolarizados fóra da área de influencia.

As listas provisionais de admitidos ao comedor escolar elaboradas polo Consello Escolar expóranse nos taboleiros de anuncios dos centros, abríndose de seguido un prazo non inferior a 5 días para presentación de alegacións. Unha vez resoltas as mesmas polo Consello Escolar de cada centro, o antedito órgano aprobará con carácter definitivo a lista dos admitidos, que volverá a ser exposto no centro, para o efecto de que, no seu caso, se deduzan os oportunos recursos de alzada ante as Xefaturas Territoriais da Consellería.

**Os usuarios/as do servizo de comedor que en tres ocasións non comuniquen a súa ausencia antes das 9:45 horas do día que deba ter efecto, poderán ser suspendidos pola Dirección do dereito ao uso do servizo durante 10 días.**

**Procedemento de autodeclaración dos prezos públicos pola utilización do comedor escolar**

O centro fará chegar ás familias dos comensais admitidos ao comedor o modelo de autodeclaración de prezos públicos, as cales deberán entregalo nos centros cuberto en todos os seus extremos antes do 10 de setembro. Mediante dito modelo os adultos que exerzan a patria potestade dos alumnos autodeclararán as circunstancias de carácter persoal e de renda neta per cápita familiar correspondente ao exercicio fiscal 2019, anterior ao ano actual, e, conseguintemente, determinarán a contía do prezo público que lles corresponde abonar (**casiña 435+460-595**).

### **6.2.2. Contías dos prezos públicos**

O uso do servizo dará lugar ao aboamento dos seguintes prezos públicos por parte dos suxeitos obrigados:

a) 1 € por día de uso do servizo para os alumnos cuxa renda familiar anual neta per cápita se atope nas condicións sinaladas no artigo 12.2.1 do Decreto.

b) 2,50 € por día de servizo de comedor para aqueles alumnos cuxa renda familiar anual neta per cápita se atope nos supostos recollidos no artigo 12.2.2 do Decreto.

c) 4,50 € por día de servizo de comedor para aqueles alumnos cuxa renda familiar anual neta per cápita se atope nos seguintes parámetros:

Unidades familiares cun único menor que curse ensinanza básica obrigatoria e/ou segundo ciclo de educación infantil	Renda anual neta per cápita igual ou superior a 9.000,01 €
Unidades familiares con dous menores que cursen ensinanza básica obrigatoria e/ou segundo ciclo de educación infantil	Renda anual neta per cápita igual ou superior a 9.000,01 €

d) 4,50 € por día de utilización do servizo de comedor para o persoal docente ou non docente destinado no centro escolar, auxiliares de conversa e alumnos en prácticas de ensanzas de maxisterio ou grado equivalente, que sen ter responsabilidades na organización dos comedores escolares nin no coidado dos alumnos comensais, faga uso do comedor escolar.

#### **6.2.4. Usuarios gratuítos do servizo**

Segundo o artigo 11 do Decreto 132/2013, de comedores escolares, **serán usuarios gratuítos exclusivamente os seguintes:**

- Os alumnos pertencentes a unidades familiares que se atopen en situación socioeconómica de exclusión social certificada polos servizos sociais autonómicos ou municipais correspondentes.
- Os alumnos que se atopen en situación de acollemento residencial ou familiar.
- Os alumnos cun grado de discapacidade declarado igual ou superior ao 33%.
- Os alumnos pertencentes a unidades familiares vítimas de terrorismo ou de violencia de xénero acreditada.
- Os alumnos pertencentes a unidades familiares con renda familiar anual neta per cápita inferior a 7.000 €.
- Os pais e nais de alumnos matriculados en ensinanza básica e educación infantil que colaboren na atención dos alumnos comensais exclusivamente durante os días concretos en que se desenvolva a súa colaboración efectiva.